

浮山縣志卷之二十八

古蹟

阿衡莘野孤竹首陽古人所歷遂成奇跡豈地之異哉  
直樹立者不同耳浮山自漢唐以來賢喆之遺頗羸今  
於其昭灼耳目者雖故壘荒邱悉登於篇以寄慨慕後  
之君子儻有感而興起者非僅助談鋒之博洽已也志

古蹟

故郭城

在縣西南十里相傳舊治在此今名故縣村北  
魏志擒昌縣有郭城當即此一名丹朱邑

浮山縣志

卷之二十八

古蹟

飲馬泉

在縣南三十里朱村相傳丹朱飲馬處

羊角故址

龍角山本名羊角山其東峯有嘉潤侯左伯  
桃廟西峯有孚祐將軍羊角哀廟詳見流寓

博陸侯故里

今縣北十里南霍村

平甯里

在縣北十五里舊傳漢光武令鮑永安集河東  
破青犢賊還報光武曰賊已平國已甯因賜其

鄉為平甯里

諸葛村

魏諸葛誕寓此遂占籍焉

乾壁

魏道武天興六年後秦安北將軍姚平率衆四萬  
來侵平陽陷乾壁

老君遺跡

孫景文天聖宮紀事碑唐武德二年老子降  
於平陽神山縣龍角山之根子樹下語人曰

爾為吾言於唐皇帝吾即汝之遠祖也已大勅陰兵助汝破賊乃命有司於所見之地建立祠堂改羊角山為龍角山改浮山縣為神山縣

老君洞

在梁村南唐時與老君祠同建者用石構成無寸木片瓦頗極幽古有老君八十一化圖石刻

桑維翰故宅

在縣東北五十里夾榆村

煙霞閣

在天聖宮內金大定十七年建

深思堂

在縣治內元大德間建

鐘樓

在縣治南街聖母廟中洪武初縣丞徐秉彝建

園亭附

漢

霍光別墅

在縣北丞相河丞相因光名也南坡下有蓮花池今廢甃石猶有存者

宋

邢公園

在縣北門外小邢村禮部尚書邢昺別墅今廢尚存太湖石數塊

金

歲寒亭

在縣東堯山祠中皇統間知縣牛承直築

明

浮山縣志

卷之二十八

古蹟

三

李公別墅

在南河東坡尚書李信築今廢猶有蓮池遺址

國朝

息松亭

在縣西街羅漢寺內康熙十年知縣潘廷侯築

文明園

在南門外即小園鄆縣知縣張垚別墅雍正間築

西園

在縣西門外保甯司馬張鸞舉別墅雍正間築

適然亭

縣治內乾隆七年知縣李允改建

蔬園

在縣南河濱兵部車駕司郎中張體中別墅乾隆八年築內有米元章真蹟吳道子元武圖胥刻於

石其蔬園記八景詩悉載藝文

陵墓附

陶唐

堯陵

相傳在邑北三十里楊村河西陵前有碑記臨汾春秋二祭今並錄

戰國

荆軻墓

在羊角山今失考

漢

羊角哀墓

在羊角山唐人有過哀墓詩今失考

左伯桃墓

在羊角山失考

浮山縣志

卷之二十八

古蹟

四

博陸侯霍光墓

在縣北十五里平甯村府西門外天寶間建有祠宇

按長安志以光陪葬咸陽武帝茂陵則此或光祖墓今姑存之

五代唐

仙人洪崖子張居敬墓

在邑西南任張村 舊志邑西南任張村有仙人張果墓在村

西嶺之半名曰柏林坡即月山東麓也即壘宛然土人禁樵牧不得入其後裔現居本村溝南莊去壘二里許云係果家舊址故老相傳每於夜分時見壘上恒有異光遠而彌耀遇太平則皎若曙星土人謂之萬年燈識者又以此光應科甲之瑞屢現屢驗詳見災祥

按列仙傳張果隱恒州中條山往來汾晉間天寶初卒不聞有後而洪崖子張居敬為神山任張里人傳

云道滿白假葬衣冠而去當卽其處因同張姓後唐與唐亦相符合而果爲里巷所盛傳故從而附會之爾洪崖子  
詳仙釋

五代晉

魏國公桑維翰墓

在縣東北五十里夾榆村

宋

禮部尙書邢昺墓

在縣北三里小邢村昺嘗撰禮選三十卷以進無副本真宗許繕錄賜之

未畢而昺卒亟詔寫二本一本賜其家一本俾置冢中一云昺墓在任邱縣黃壘村

元

浮山縣志

卷之二十八

古蹟

五

知府唐天瑞墓

在北關外唐家圪塔

萬戶侯張天瑞墓

在北關外唐家圪塔

明

吏部尙書李信墓

在縣北五里賈庄村

左布政陳孜墓

在縣北二十里王村鎮